

浙江府縣志輯

中國地方志集成

光緒浦江縣志
光緒開化縣志

中國地方志集成

浙江府縣志輯⑤④

光緒開化縣志

光緒浦江縣志

江蘇古籍出版社 ● 上海書店 ● 巴蜀書社

封面設計 范一辛

責任編輯 盧建幸
王海浩

中國地方志集成
浙江府縣志輯(54)

出版 上海書店

(上海福州路四〇一號)

印刷 上海市印刷七廠

發行 新華書店

上海發行所

定價 二七五元

1993年6月第1版 1993年6月第1次印刷

ISBN7-80569-865-1/K·160

沪新登字119号

重刊光緒浦志序

中華民國三年秋七月余來視邑... 浦江縣志... 光緒浦江縣志稿

光緒浦江縣志稿

卷首

人相傳... 浦江縣志... 光緒浦江縣志稿

城即一切新思想亦由此推演而得之... 浦江縣志... 光緒浦江縣志稿

光緒浦江縣志稿

卷首

十卷係范石湖... 浦江縣志... 光緒浦江縣志稿

浦江縣知事尉人甫張君治謹識



舊志原序

宋朱子槐縣經

搜輯先哲遺事析爲遺愛孝節名德高僧四門上下二卷見鄭濟人物記後序

元浦江圖經

宋源金德潤墓碣云濂來浦江會邑令長請修圖經縣之人物法當登載云云

明永樂志

見毛鳳韶倪尙忠兩序

按宋太史人物記二卷成於元代已載圖經鄭叔端金華賢達傳非專爲浦江一邑作而采輯已就故前明修志自永樂閒起

嘉靖浦江志畧八卷

嘉靖五年邑令毛鳳韶修并序

縣丞王庭蘭刊

萬歷浦江縣志十卷

萬歷十八年邑令周尙禮重修

邑人遂安司訓蔣大祿編校三十八年邑令吳良悌

光緒浦江縣志稿

卷首

原序

刊刻邑庠生張應泰蔣廷瑞校閱邑人倪尙忠序廣

東廉訪使張應槐著續人物記四十六年邑令黎宏

道重修李長庚序

崇禎浦江縣志

崇禎十年邑令吳應合重修邑庠生

張一佳張德慶編輯黃景昉序邑人張燧張德行著

人物補遺

國朝康熙浦江縣志

康熙十二年邑令毛文楚重修并

序邑庠生張一煒著人物列傳繆之顒校刊

乾隆浦江縣志

乾隆四十一年邑令薛鼎銘重修并

序

纂修

浦陽書院掌教辛未進士胡廷槐

同修

浦陽書院掌教辛未進士計南棠

倡修總理

浦陽書院掌教辛未進士朱興燕

生王

志楓潘玉文

分輯

歲張可標陳松齡

分校

靈石縣知縣王宇清

用璐

丁酉舉人張時和

含輝

拔胡龍見趙韓

生黃

揆叙

之理

光緒浦江縣志稿

卷首

原序

繪圖

生王

守嘯

繕錄

唐志言張大烈

時含

鄭應冲

張可

佩楊超林

麒洪

繼仁

校刊

丙子舉人柳若虎

生黃

以枋

生黃

汝聽

生監

吳加社

督刊

史典張應鰲

浦江志畧序

明邑令 毛鳳韶

嘉靖癸未春三月予到浦江即以縣志謀於邑人邑人曰此缺典也敢以請乃若邑之人物則宋景濂浦陽人物記可據也鄭叔端金華賢達傳次之其諸所可據者在宋則學正朱子槐嘗志之矣惜甚畧且逸下卷我朝永樂中又有采輯實事而爲志者惜甚蕪且多不文故皆不可以傳是以浦江歷數百年雖舊稱禮義之邑文物之藪而邑志尙未有成書惟大夫其圖之予曰吁予何能是第官以知縣稱一有不知與知而不能行皆恥也予懼是焉矣予何能是惟邑人其共圖之既退而求之前書則誠如邑人所

光緒浦江縣志稿

卷首

原序

三

云乃更考之金華郡志及邑人吳淵穎柳道傳戴九靈宋景濂鄭麟溪王深溪吳安溪等文集并合縣碑碣六房卷冊取其切於邑事者錯綜貫串以成縣志中閒多事雜糅未暇卒業踰年乙酉十一月入覲於京師攜羣書北上舟行往來凡三月始得專力爲之畧有所得立例成編統以八志大書以提其綱分注以備其目有書有不書書之有詳有畧屬辭而比事推類而及餘共爲八卷凡四十有五條總名曰浦江志畧踰年丙戌夏四月復任以質於邑之人邑人曰竊聞君子之慎於言也一或差誤則幽明抱歎百世傳惑義無所取寧弗作焉是故君子非志之難而覈

實之爲難非華贍之貴而有關勸懲之足貴是編可以爲縣志矣予曰是則吾不敢若夫備故實稽本末立政治詳民物之道未必無小補庶幾始基之矣敢云志乎錄成屬二尹王君叔馨校刊之有疑之者曰觀於縣志者多矣子獨擬朱文公通鑑綱目體例而作毋乃僭妄乎余曰文公綱目有春秋褒貶之義賞罰之權天下之史也是志專言邑事且多主於與善以企不能恐未可以綱目例也嗚呼諒予之心者其是志矣乎重予之罪者其亦是志矣乎是月六日知縣毛鳳韶序

志畧序解

毛鳳韶

光緒浦江縣志稿

卷首

原序

四

予修浦江志畧凡八卷既成圖銀諸梓以風邑人既述其始末序之矣邑人復請以縣志名編予曰吁吾豈敢當是哉今之志古之史也古之爲史者紀事詳始末而語有文立論關勸懲而辭不費乃名之某史今以鳳韶之愚生數百年之後考二三策之書值衆務叢委之際粗有紀述乃亦名之某志非僭則誣矣凡言志者皆不易也浦江之志尤不易也山川之勝有如仙華如涵水如月泉故家義門之懿範有如陳如何如鍾如鄭如王名世賢人君子之德業文章如梅如王如錢如倪如方如柳如吳如戴如宋未易悉舉皆有關於天下之故者顧其遺文軼事散見於史

於傳於志於記於集於編於碑碣家乘茲欲參互考訂區而別之類而聚之以足一邑之文獻垂衆人之法戒而並考夫諸縣大夫治邑之政民閒田里賦役登耗休戚之故萃而爲志以獻諸天子以傳之邑人以告於新令尹庶幾有補嗚呼是豈易言哉吾志在浦江而力莫與也姑志其畧以俟焉爾矣邑人曰有是哉乃叙其解於篇次嘉靖丙戌夏四月九日毛鳳韶序

萬歷庚戌重修浦江縣志序

明邑人 倪尙忠

吾邑舊志絕筆於永樂之七禩而人物一記則宋潛溪先生手筆傑然作者嘉靖丙戌邑大夫毛公鳳韶倣綱目義

光緒浦江縣志稿

卷首

原序

五

例爲志畧稱獨創焉嗣後幾六十年缺而未志將無爲文獻懼乎萬歷庚寅郡司馬周公尙禮來視篆慨焉修舉延致廣文蔣公大祿暨諸文學開局編摩越二載而書成時邑侯朱公于訓將付之梓弗果而蔣公尋沒此書幾爲石室中物歲己酉吾家居吳公居敬以豫章名碩來游吾浦甫下車而首詢邑志且曰邑之有志猶國之有史也吏茲土者將藉以憲古酌今因俗制禮寓勸戒燼風俗匪志將何鏡焉今之弗傳後將奚述此其視簿書孰急數以語諸博士及弟子員而予初謁侯侯以屬予予曰無庸成書具在君侯第刪述之剗剗之耳侯曰諾會當上計明年還遂

命工刻之而羅四生校定且戒無漏無他竄入而諸所增錄悉侯訪公論持獨見而人不能干梓始於夏六月某日訖於冬十月某日因走使以序請予謝不獲乃卒業而嘆曰吾侯之刻是志也有善六焉周禮土訓掌地圖誦訓掌方志具知天下阨塞戶口盈縮謠俗勁脆之數及民所疾苦先是吾邑稅額湮沒公私交病賴須侯清覈以有畫一侯曰圖籍孔昭而更壽之志黠胥永永捫心矣一古者瓜分郡邑爲堂署解舍以棲息官司豈其肆然民上固曰政教出焉而城池倉庾學校院社坊表教場橋梁之類凡以爲民侯悉命志之而近爲修葺城堡且謀遷學善地以助

光緒浦江縣志稿

卷首

原序

六

宣政教二諸侯有封內之山川寧獨祀典所載卽一邱壑一池塘陂堰亦民事攸係用備考覽且足供逸士騷人游咏三設官分職無論大吏丞簿尉史能其職者曰稱否則鰥爲之缺以勸能令千載而下想見其人景行脉脉四語有之標語目鼓語耳孔氏亦曰魯無君子斯焉取斯與其遐慕何若近薰吾邑故稱小鄒魯如潛溪所志者尙矣後之興起者何限潛德足耀不須華牒菁藻足垂豈必旂常五文章不朽大業詎雕蟲視之序記銘傳長歌短咏用以抒性靈紀德政續風雅讀其文而論其世且暮遇之矣六其他若仙釋不遺災祥亦舉令蔣公之嘔心弗抱孝標青

蠅之痛而周大夫輩所倦倦誰謂道旁舍乎予故謂侯之是刻也爲善者夥而豈小補哉大抵志之難也難於人物而無骨可勝則硃璞消焉侯之是刻與潛溪氏共稱信史矣予故樂爲之序而第媿其貌繡虎以前耳四生爲蔣君廷瑞二張君應泰一相鄭君崇昭廷瑞前作志蔣公大祿子因並書之萬歷庚戌冬十月灑西耕農邑人倪尙忠撰

萬歷戊午重修浦江縣志序

明 李長庚 湖廣人

浦隸婺不甚劇而故家遺俗忠孝文學之士往往膾炙人口我聖祖下江南首召儒臣則宋文憲旌懿軌則鄭義門他如梅節愍之殉難於靖康陳太竭之孝動乎烏鳥勝朝

光緒浦江縣志稿

卷首

原序

七

柳待制其爲詩文錚錚有致豈仙華月泉之靈孕彼麟角鳳毛生色寓內耶余里先輩聚峯毛公由令浦擢名侍御遺愛具載浦志中往侍御公令浦時矧有志日久宜稍增易嗣志之者不乏蹟駁牴牾謬舛挂漏之誚因核定爲今志今志則古廬陵復眞黎君成之也志成浦鄧博士余枋榆端友因家嗣宗閒言於余余昔待罪豫章稔知君博雅渾璞淵源理學與鄒銓部劉中丞伯冲並推冠冕故其爲令醇厚寬平專務德化諸所營建悉捐已俸素絲懸魚其於得失毀譽之場澹如也余嘗怪郡邑紀乘或繁而不整或約而有漏閱今所鐫志其田賦高下墳壙黎赤以至篠

簞箇龜魚之細則倣禹貢山藪川浸男女畜擾之粗則倣周禮政治風俗奢儉緩急之故則倣班孟堅若形勢阨

塞封疆壺懷與夫人物之椒蠹多采之舊傳衷以定論雖起柳待制宋文憲握管爲志當不過是謂與毛侍御所矧先後並傳可也余聞毛侍御公在浦尙未舉子宗戚以爲慮公曰吾德宜後稍遲何妨竟舉丈夫子今其兩孫俱有聲藝苑君異績著聞虛驄馬以俟而公齡方茂則丈夫子當更有倍於毛公者毛公余至戚公通家治績邑乘炳垂婺浦與仙華月泉諸勝並傳不朽豈獨二公千秋愉快哉余亦與有榮幸矣賜進士第通議大夫欽差巡撫山東提督軍務兼理營田都察院右副都御史前順天府府尹江西布政使楚西陵李長庚撰

光緒浦江縣志稿

卷首

原序

八

崇禎丁丑重修浦江縣志序

明 黃景昉

星紀謂金華婺郡上應須女則浦陽其舍也本朝之實錄則纂修於宋公倣朱子之綱目則嘉隆時毛令今踰百有十年於茲矣修之者有良吏無良史文獻未徵也吳伯能大令三湘奇士初起家卽注是邑有習其地者謂浦於婺爲瘠土艱水複山民生其閒少華言恥通賦但好鬪尙鬼伯能夷然也謁予曰諸言非是夫浦故宋文憲潛溪所遷居也思孝節烈一時林立九牧稱歎又王新建良知之學

沾被於此使某因公暇得泝大儒編小史師許之乎蓋予時有纂修之役每懼紕漏幸得登獻成書矣來濟爲學士恨不得修史伯能徵自方也今春函一志相示則凡其邑之輿地規制學校壇社典禮兵防以至食貨文翰諸傳無一不鱗次成章而其大者則在標人物之軼瀝忠孝之魂式節烈之廬夫以彈丸蕞爾鄉有七隅有六都有三十而以義同居十世者三慕義同居五世者亦三令人欲登堂延訪孟水蘊本之論冀有聞焉於是伯能爲之輕徭免餒撫循教育以稱其俗而與都人士課文無虛日士民安之史氏曰吾於山而復見仙華寶掌諸景於水而復見潮溪

光緒浦江縣志稿

卷首

原序

九

浦洧浙涓諸道於人則復見有鄭義門陳太竭柳待制諸人而於吏則見伯能凡余所見皆伯能貽之也新制諸吏循良異等得徵入爲天子文學侍從之臣伯能英少巍科吾向聞其語矣潛溪遭逢明盛史館盛事伯能願得而俎豆之高山仰止良吏良史有以也賜進士出身奉直大夫左春坊左諭德兼翰林院侍講官管理文官誥勅編纂六曹章奏經筵講官纂修實錄前召對記注展書奉旨湖廣正考試官黃景昉撰

康熙癸丑重修浦江縣志序

邑令

毛文埜

今天子御極之六年遷潞茲土見其俗樸茂敦古人士俱

彬彬爾雅真有小鄒魯之遺風焉因考邑乘其人物傳始自邑人文憲宋公橐合爲志則家侍御首成之其列疆域城池鄉都學校以及名賢宦蹟貢賦文章別類分門可稱詳盡嗣後遞修至吾鄉吳紫蓋先生已經七更然丁丑迄今又將四十年

興朝鼎革之餘兵燹亂離興替迭更其閒蹟業名良曠焉罔續倘至湮缺誠長吏之羞也予竊有志苦頻年饑祲方爲請蠲請賑之不遑十年辛亥會郡守吳公有初修金華府志之舉實獲我心遂與廣文武君之周延致庠生張一煒繆之駟采訪釐定閱歲稿成已經

光緒浦江縣志稿

卷首

原序

十

送郡方謀付剞劂而壬子秋奉

旨纂脩浙江通志蓋從大學士衛公之請

勅直省聘集夙儒名賢續今按古纂集成書上翰林院彙

爲

大清一統志以襄

昭代右文之治遂復與二生遵式編輯申請裁定意得觀

省郡兩志先鐫庶或邑有章程屆今仲夏復蒙觀察

梁公郡守李公命先刊縣志獨延張生一煒倍加慎

重考訂詳明至冬月而書成凡山川形勢疆圉險要

風俗著有成規閱或脩葺改建盡爲覈補若戶丁口

銜錢糧地畝悉照新例開陳至人物一塗乃表揚先哲鼓勵後人尤加意廉採務令罔濫罔遺以恪遵

功令矢公矢慎之心期可告無愧於屋漏知我罪我在所不計矣雖然志始家侍御筆削之嚴今稱信史一百

四十餘年而予復得附名以垂不朽予實滋幸矣康

熙癸丑小春知浦江縣事楚古亭毛文莖同書父撰

乾隆丙申重修浦江縣志序 邑令 薛鼎銘

乾隆癸巳予謁選得浦陽令將入境吏人以邑志呈閱字多漫漶不可識溯其前屆之修百餘年矣喟然曰自非官牽於事民絀於力何以至此然天下未嘗

光緒浦江縣志稿 卷首 原序 十一

有無事之官勉而圖之毋患不舉所不知者民之力也越明年春集紳士倡議重修賴邑中急公好義數君子爲之倡其餘各踴躍相扶助延請宏儒碩士矢公矢慎悉心搜討蓋自

上臺報可設局幾三載而始脫稿丙申冬杪補前續後訂誤拾遺誠不可以旦暮成也夫浦邑受地編隘而素號小鄒魯者地以人重耳自有唐建縣代產偉人極盛於宋元明初之閒而由有明中葉以至於今雖餘風遺俗猶有可觀而人材則不逮於古邑人其勉乎哉夫以浦之疆圉猶是物產猶是宮室器皿衣服

加麗於前而文章道德樹勳立節之士嗣音者無幾或盛衰循環之固有運數歟扶其衰以追其盛將必有豪傑之流並起而振興之何者仙華寶掌鍾靈鬱而復發自然之符必至之理也往者壬午以後士不登賢書者十餘年而甲午得同榜三人爲素所未有意者氣運轉移機兆於此循而上之人材蔚起未可量乎顧吾聞族將大視其家之規範邑將昌覘其地之風俗然則浦之當力培元氣者父兄以積善爲先子弟以讀書爲務兩言易之而已邑人其勉乎哉鼎銘學淺能寡欣逢

光緒浦江縣志稿 卷首 原序 十二

聖天子仁道漸摩義風激勸

各憲承流宣化惟日孜孜而自惟備員四載一俗吏而已邑無良有司以表率黎氓且漸且懼而區區期望之心則謂爾鄉先生尙有典型庶幾以似以續而鄉魯芳徽復振於南江東嶺閒後君子載在簡編必更有光於今日者矣賜進士出身文林郎知浦江縣事申江薛鼎銘撰

重修浦江縣志小引 薛鼎銘

浦志之修前令彭公時已有成議會以城工費鉅不果邑人鑒於前轍此次稍逡巡賴纓泉許公知予事在必行力

贊始就許推博雅君子沿舊更新多所斟酌志分十門公舉宿學士五人分輯之地輿輟於司檣張君建置輯於興悌朱君秩官選舉輯於德謨楊君食貨輯於友洸趙君藝文雜志輟於松齡陳君而人物一志則或考古得實或據呈訪確予親爲筆之纂既就先賢兩學師計公嚴公而總其成於院長胡公又商質於武林槐堂汪先生加考訂潤色焉蓋自志之詳且慎而叙其畧於簡端者如此鼎銘識

道光癸卯補刻浦江縣志缺頁序

邑令

李業修

浦陽建縣肇於有唐迭盛於宋元明之閒彬彬然小鄒魯也志修於乾隆丙申薛公葦塘讀其序言肫肫屬望於邑

光緒浦江縣志稿

卷首

原序

十三

人士者意良厚迄今六十有八年矣鏤板殘缺嘉慶壬申邑人唐東湖朱鶴皋補刊六十餘板度藏不謹殘缺日多前任黃公崑山議修補之有志未及今閏秋初余奉檄權縣事下卓後索是書檢其藏板缺頁者三百八十邑之人久以廢簡置之夫邑志者上分國史之支下滙家乘之源徵文獻考沿革備方域之志辨土物之宜所以參稽得失厚風俗而勵人才者胥於是乎在乃任其漫漶散失亦有司之責也余承乏茲土敢以庖代自諉乎哉顧任事日淺衆志未孚且迫於瓜代恐作而旋輟也旣而思之修之艱補之非艱因殘訂缺費廉而工亦省今不補後將有不及補

誰職其咎敢以庖代自諉乎哉遂與諸紳士商酌上舍方君約齋義士也聞余言慨爲己任弗替於勤閱三月而工竣一十二冊頓還舊觀余旣幸邑志之復全又多諸君子之義他日邑之人士蒸蒸日上蔚爲

國華覽斯志也可以慰薛公屬望之志可以成黃公未逮之志余謏陋無學亦惟志二公之所爲志而已遂書爲補刻序單恩勅授修職郎代理浦江縣事處州府經歷順德李業修撰并書

光緒浦江縣志稿

卷首

原序

十四

凡例

一邑志肇於宋歷元迄明凡四修書已散佚今所存者惟

國朝康熙癸丑乾隆丙申二志互相校勘義例雖殊其足

補前人所未備則一也今次修輯中經浩劫採摭綦難而網羅放失辯章舊聞亦承前志之意云爾

一前志總目分爲十門今括以七一輿地二建置三人物四食貨五典禮六藝文七雜志而子目仍從其舊一星野之說爲今推步家所弗尙况諸書所載并各郡所入度數言人人殊爲畧輯彙星諸說以備參考而

光緒浦江縣志稿

卷首

凡例

十五

增以氣候昏旦中星等表實事求是較爲有用

一大禹敷土導山與導川並重浦江邑萬山中山多而川少其有川者山下出泉之義也山舉其大而名者其他不必盡述也導川自山舉其幹以及其支若網在綱有條不紊也茲仍前志叙次畧有增加至騷人寓客流連之作鄉達先賢游覽之文前志彙入藝文今分錄於各名勝之下俾閱者足當宗文之臥游焉一山川險要爲經國大防邑居杭越陸括之間如人之有肘腋洵浙中要區也前志所列險要基布星羅大端已立今次修輯在用兵之後一邑形勢尤屬瞭然

故畧載事實於其下以存慎固封守之意

一設官分職文武並重職有專司不容偏廢前志秩官有文無武似未允當今於武營員弁其姓名可考者以次臚列重職守也

一科目仕宦暨封蔭議叙職名悉以公牒執照爲憑其僅載家譜據以呈請者恐遙遙華胄眞贗難稽茲遵舊例概不錄入

一人物入地志昉於太平寰宇記前古所未聞也今志家專以人物爲重阿私所好滿紙浮誇至有一傳立而彼此互相攻訐者豈知圖經所重固在彼不在此

光緒浦江縣志稿

卷首

凡例

十六

乎今志新增各傳雖守善善從長之例然必稽之載籍考之輿評不相刺謬始爲立傳苟非其人則附於甯缺毋濫之義

一歷代賦役備詳舊志而薛志削之未免蔑古茲據康熙志悉數補入庶賦稅之重輕征徭之繁簡歷歷可考而我

朝之薄賦蠲徭超越前古者於斯益見矣

一歷代禮制今昔不同如文廟中賢儒位次禮樂度數以及鄉飲講約之類不一而足今据近時頒行之式敬謹錄入事有稟承不嫌與前志異也

一薛志藝文釐詩賦雜著等文爲六卷而書目別立經

籍一門附之考漢書藝文志止載書目而不及篇章

范成大吳郡志則以詩文散附各條之下此舊例之

可從者也今悉遵之

一金石文字掌故所存邑中古碑大半湮沒卽鐘鼎彝

器亦百無一二攷古者不無遺憾今次竭力搜羅雖

所得無幾然遺文佚事有足資攷證者惟見聞有限

尙望後賢之補錄焉

光緒浦江縣志稿

卷首

凡例

十七

光緒浦江縣志

卷首

序

纂修姓氏

凡例

總目

輿圖

山川總圖
縣城圖
縣治圖
北

中幹山川圖
都鄣總圖
浦陽十景圖

縣城圖
縣治圖
試院圖

卷一

輿地志

星野

歲占
曆景表

方位表
中星表

疆域
郵亭

沿革表

形勝

卷二

光緒浦江縣志稿

卷首

目錄

十八

輿地志

山川

水利
橋梁

卷三

輿地志

都鄙

城鄉
風俗
方言

卷四

建置志

城池

公署

學校
廟制

書院

學政

學社

義塾

試院
射圃

考費義產附

卷五

建置志

兵防

營制

汛地

民壯

教場

坊表

宅墓

古蹟

卷六

人物志

薦辟

科第

諸貢

議叙

仕籍

職銜

封廕

卷七

人物志

秩官

歷代官制
歷官表

宦蹟

光緒浦江縣志稿

卷首

目錄

十九

卷八

人物志

名臣

儒學

忠烈

孝友

卷九

人物志

政事

文苑

義行

隱逸

方技

流寓

卷十

人物志

列女

節孝

貞烈

卷十一

食貨志

田土

戶口

力役

賦稅

卷十二

食貨志

鹽法

倉儲

蠲賦

賑濟

優老

院堂

物產

卷十三

典禮志

壇壝

祠廟

鄉飲

鄉約

禮樂

祭儀

光緒浦江縣志稿

卷首

目錄

二十

卷十四

藝文志

書目

金石

卷十五

雜志

祥異

拾遺

寺觀

仙釋

附咸同殉難錄二卷

後跋

光緒浦江縣志卷首

圖說

(薛志) 禹得括地象圖以平水土土訓掌道地圖劉中壘奏書曰平來以圖天文難曉臣雖圖上須口說然後可知此圖與圖說所自助歟蓋列眉指掌非圖不爲功而貫通之者在說爰分繪於左而說因之


光緒浦江縣志稿

卷首

圖說

一

浦江縣山川總圖



山川總圖說


(薛志) 縣在郡城東北自唐天寶十三載升爲浦陽縣梁貞明三年始改今名南界金華縣而西與嚴州之建德北與杭州之富陽東與紹興之諸暨並爲接壤東南界義烏西南則蘭谿嚴之建德及桐廬爲西北東北界延袤二百里有奇縣治當邑之西北面周公負仙華東嶺伏蟾左右拱護水則浦陽江環其前縈紆而入諸暨北山諸水滙爲一江入富春西南諸水滙入蘭谿登高以望環邑皆山而衆流襟帶包絡之固勝地也首列此圖非以誇佳勝慨登臨蓋周遭一覽而地之衝僻事之繁省形之夷險土之肥磽無不由是則夫相土地之饒通水泉之利教導何術保障何方地勢在而政教因之矣至若靈秀所鍾人材輩出固江山之孕育也而成諸教治者豈其微哉

光緒浦江縣志稿

卷首

圖說

一一



圖系

